

1317 (857)



Broj: 27-16-49-436-99/15
Sarajevo, 2.11.2015 godine

SKUPŠTINA KANTONA SARAJEVO

03 -11- 2015

-Ovdje -

Zastupnica Selma Filipović, na 7. Radnoj sjednici Skupštine Kantona Sarajevo, održanoj dana 07.10.2015 godine, u okviru tačke Dnevnog reda, "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavio je zastupničko pitanje.

Zastupničko pitanje je slijedećeg sadržaja:

"U kojem roku i u kojem postotku će se umanjiti cijena gasa u Kantonu Sarajevo krajnjem potrošaču".

U skladu sa stavom Vlade Kantona Sarajevo da odgovore na poslaničko/zastupničko pitanje ili inicijativu daje resorno ministarstvo, Ministarstvo komunalne privrede i infrastrukture Kantona Sarajevo blagovremeno daje slijedeći,

- odgovor -

KJKP „Sarajevogas“ d.o.o. Sarajevogasa svojim kupcima (potrošačima prirodnog gasa) fakturiše cijenu utrošenih količina gasa koja se sastoji iz:

- *nabavne (veleprodajne) cijene prirodnog gasa i
- ** cijene distribucije gasa,

na što se zaračunava porez na dodanu vrijednost (PDV) i to sve predstavlja (konačnu) fakturinu cijenu za utrošeni prirodni gas.

Nabavnu (veleprodajnu) cijenu prirodnog gasa predlaže Privredno društvo za proizvodnju i transport gasa BH-Gas d.o.o. Sarajevo, Federalnom Ministarstvu energije, rudarstva i industrije i Federalnom Ministarstvu trgovine, a saglasnost na istu daje Vlada Federacije BiH.



****Cijenu distribucije gasa** (drugi dio fakturne cijene) kojom se pokrivaju troškovi poslovanja predlaže KJKP „Sarajevogas“ d.o.o. Sarajevo, a Neovisno stručno tijelo Vlade Kantona Sarajevo daje Mišljenje na validnost kalkulacije i konačan prijedlog visine cijene komunalne usluge, distribucije prirodnog gasa. Vlada Kantona Sarajevo donosi odluku kojom utvrđuje i usvaja konačnu cijenu distribucije prirodnog gasa.

Međutim, KJKP „Sarajevogas“ je uvažavajući sadašnje socioekonomske prilike u Kantonu Sarajevo, te kontinuirane nemogućnosti da se sredstvima iz Budžeta Kantona Sarajevo ispoštuje član 23. Zakona o komunalnim djelatnostima za postepenim prilagođavanjem ekonomske cijene distribucije gasa, i postepenim mogućnostima izlaza iz zone poslovanja sa gubitkom, urgentno su zatražili korekciju cijene distribucije prirodnog gasa. U tom smislu, kao preduslovi početka saniranja daljnjih gubitaka u poslovanju dostavili su dvije varijante prijedloga korekcije cijene distribucije prirodnog gasa, **Prva varijanta**, koja podrazumijeva korekciju cijene distribucije gasa svim kategorijama kupaca za 0,02 KM/Sm³ (dva feniga po standardnom metru kubnom), **Drug varijanta**, koja podrazumijeva povoljniji tretman za KJKP „Toplane – Sarajevo“ d.o.o. Sarajevo sa manjom korekcijom cijene distribucije gasa od 0,01 KM/Sm³ (jedan fenig po standardno metru kubnom) i korekcija za 0,02 KM/Sm³ (dva feniga po standardnom metru kubnom) ostalim kategorijama kupaca.

U smislu navedenog, Neovisno stručno tijelo Vlade Kantona Sarajevo je razmatralo dostavljeni materijal ovog kantonalnog javnog komunalnog preduzeća tj. davaoca usluga za distribuciju prirodnog gasa, te detaljnu kalkulaciju visinu cijene i način plaćanja komunalne usluge i prihvatilo validnost kalkulacije i utvrdila konačan prijedlog visine cijene komunalne usluge tj. korekcije cijene distribucije gasa prema predloženoj Varijanti II, u predloženom iznosu smanjenja veleprodajne cijene prirodnog gasa za 15 % i povećanjem cijene distribucije u iznosu od 0,01 KM/Sm³ (jedan fenig po standardno metru kubnom) KJKP „Toplane“ i korekcije za 0,02 KM/Sm³ (dva feniga po standardnom metru kubnom) ostalim kategorijama kupaca, te sa usaglašenim Mišljenjem predložila Vladi Kantona Sarajevo na konačno usvajanje.

Korigovanjem cijene distribucije prirodnog gasa imate dvostruke efekte i to:

- **pozitivan efekt za KJKP "Sarajevogas":** pokriće se dio neophodnih tj. nužnih troškova održavanja gasnog sistema i omogućava se postepeno ublažavanje gubitaka u daljnjem poslovanju;
- **neutralni efekt za sve krajnje kupce prirodnog gasa:** s obzirom da će se korigovanjem tj. povećanje cijene distribucije biti usklađeno sa kretanjem tj. smanjenjem nabavne cijene cijene prirodnog gasa, i neće doći do povećanja krajnje, odnosno cijene koja se fakturiše za kupce. Naime, primjenom predložene Varijante 2 od strane Neovisnog stručnog tijela korekcija cijene distribucije prirodnog gasa zajedno sa očekivanim smanjenjem nabavne cijene prirodnog gasa, **konačna fakturirana cijena će biti smanjena za krajnjeg kupca.**

*Tabela: 2

U skladu sa navedenim Ministarstvo komunalne privrede i infrastrukture je prihvatilo Mišljenje Neovisnog stručnog tijela Vlade Kantona Sarajevo i dostavili Vladi Kantona Sarajevo na razmatranje i usvajanje Odluku o utvrđivanju cijene distribucije prirodnog gasa.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Vlada Kantona Sarajevo je na 20. sjednici koja se održala u četvrtak 22.10.2015 godine, donijela slijedeću "ODLUKU O UTVRĐIVANJU CIJENE DISTRIBUCIJE PRIRODNG GASA KJKP „SARAJEVOGAS“ d.o.o. SARAJEVO" a tačkom I, je određena i usvojena cijene distribucije prirodnog gasa, izražena u KM/Sm³ prema kategorijama kupaca kako slijedi:

R.br.	Kategorija kupca	Aktuelne cijene distribucije	Iznos korekcije cijene distribucije	Korigovane - nove cijene distribucije
1	2	3	4	5=3+4
1	Domaćinstva	0.06	0.02	0.08
2	KJKP "Toplane - Sarajevo" d.o.o. Sarajevo	0.07	0.01	0.08
3	Mala privreda	0.24	0.02	0.26
4	Velika privreda	0.23	0.02	0.25
5	Poseban kupac ("Sarajevo-Gas" A.D. Istočno Sarajevo)	0.03	0.01	0.04

Cijene su izražene bez PDV-a

Tačkom II navedene odluke određeno je slijedeće: "Usvajanjem i donošenjem ove odluke stavlja se van snage Odluka o davanju saglasnosti Upravnom odboru KJKP „Sarajevogas“ Sarajevo o promjeni cijene distribucije prirodnog gasa koju je Vlada Kantona Sarajevo donijela, broj: 02-05-22020-10/02 od 21.11.2002. godine i Odluka o utvrđivanju posebne kategorije kupaca koju je Vlada Kantona Sarajevo donijela broj: 02-05-2452-8/05 od 17.02.2005. godine", a tačkom III definiše se kada će odluka stupiti na snagu i da će se objaviti u „Službenim novinama Kantona Sarajevo“, a njena primjena je od 01.10.2015 godine.

U Tabeli 2. dat je detaljan prijedlog od Kategorija kupca, Aktuelne nabavna cijena, Aktuelne cijene distribucije, Aktuelna prodajna cijena (bez PDV), PDV (17 %), Aktuelne faktorne cijena (sa PDV), Nove nabavna cijena (umanjena za 15 %), Korigovane - nove cijene distribucije (uvećane za 0.01 KM/Sm³ za Toplane i 0,02 KM/Sm³ za ostale kupce), Nove prodajna cijena (bez PDV), PDV (17 %), Nove faktorna cijena (sa PDV – om), Procenat smanjenja **nove faktorne cijene u odnosu na aktuelnu faktornu cijenu.**



Kategorija kupca	Aktuelne nabavna cijena	Aktuelne cijene distribucije	Aktuelna prodajna cijena (bez PDV)	PDV (17 %)	Aktuelna fakturna cijena (sa PDV)	Nova nabavna cijena (umanjena za 15 %)	Korigovane - nove cijene distribucije (uvećane za 0,01 KM/Sm3 za Toplane i 0,02 KM/Sm3 za ostale kupce)	Nova prodajna cijena (bez PDV)	PDV (17 %)	Nova fakturna cijena (sa PDV - om)	Procenat smanjenja nove fakturane cijene u odnosu na aktuelnu fakturnu cijenu
	1	2	3	4	5	6	7	8	9	10	11
Domaćinstva	0.754	0.06	0.814	0.138	0.952	0.641	0.08	0.721	0.123	0.843	11.44
Toplane	0.754	0.07	0.824	0.140	0.964	0.641	0.08	0.721	0.123	0.843	12.51
Mali kupci	0.754	0.24	0.994	0.169	1.163	0.641	0.26	0.901	0.153	1.054	9.37
Veliki kupci	0.754	0.23	0.984	0.167	1.151	0.641	0.25	0.891	0.151	1.042	9.46

Na kraju Vas želimo detaljnije upoznati sa usvojenim prijedlogom a to je Varijanta II – *Smanjenje nabavne cijene za 15 % i povećanje cijene distribucije u iznosu od 0,01 KM za Toplane i 0,02 KM za ostale kategorije kupaca i u skladu sa Vašim pitanjem dajemo odgovor da je Procenat smanjenja nove fakturane cijene u odnosu na aktuelnu dana u posljednjoj koloni dote naveden tabele.*

S poštovanjem,

Dostaviti:

1. Naslovu
2. Stručna služba Vlade Kantona Sarajevo
3. Evidencija
4. Arhiva



MINISTAR
Senad Hasanspahić